

Ибратли умр

☒ Ҳаёт довонлар оша илгариланма ҳаракат. Кимлардир у довонлардан муваффақиятли ошиб ўтади, кимдир эса йўқ. Машақатли довонлардан ошиш эса ҳаётий тажриба, ақл-идрок ва етук инсонийлик фазилатларини талаб этади. Ана шу хислатларга эга бўлган инсон ўзини чинакам баҳтли санайди.

Кўп йиллардан буён институтимизнинг “Гидравлика ва гидроинформатика” кафедрасида самарали фаолият юритиб келаётган Арифжанов Айбек Мухамеджанович 4 январь куни ўзларининг муборак 60 ёшини қаршиладилар.

Айбек Мухамеджанович нафақат олим, бағрикенг, шириңсўз устоз-мураббий ҳамдир. Етакчи олим, сифатида мана кўп йилдирки, институтда фаолият юритадилар, улар илмий раҳбарлигига 7 нафар фан доктори етишиб чиқсан бўлиб, ҳозирда соҳанинг етук мутаххассиси сифатида фаолият юритмоқда. Уларнинг муаллифлигига 4 та монография, 10 дан ортиқ дарслик, ўқув қўлланмалари, 300 дан ортиқ илмий ишланмалар чоп этилган.

Республикамиздаги каналлар ва дарё ўзанларидаги гидравлик жараёнлар, гидротехник иншоотларни лойқа босишдан ҳимоя қилиш ҳамда Катта Фарғона, Катта Андижон, Қарши, Қўйи Амударё, Миришкор ва бошқа шу каби каналларда олиб борган илмий тадқиқотларининг натижалари сув хўжалиги соҳасида дастурул-амал бўлиб хизмат қилмоқда. Уларнинг илмий ишланмалари нафақат Республикада балки ҳалқаро миқёсда ҳам юқори совринларга лойик кўрилганлигини алоҳида таҳсинга лойиқ. Айниқса “Йилнинг энг яхши ўқув адабиёти”, “Йилнинг энг яхши педагоги” танловларидағи ютуқларининг ўзиёқ ҳалқимизнинг жонкуяр фарзанди эканлигидан далолатдир.

Ҳурматли Айбек Мұхамеджанович !

Эл-юрт ҳурматини мерос қилиб бўлмайди. Унга фақат умр бўйи ҳалол, фидокорона меҳнат қилиб, ёниб яшаган кишиларгина эришади. Сизни мана шундай кишилар тоифасидан эканлигингиздан бутун жамоамиз ва дўсту-биродарларингиз, яқинларингиз фахрланади. Сизга тангридан узоқ умр, сиҳат-саломатлик ва мамлакатимиз равнақи йўлида олиб бораётган келажак фаолиятингизда куч-қувват ва улкан зафарлар тилаймиз!

Сизга самимий ҳурмат ва эҳтиром билан Тошкент ирригация ва қишлоқ хўжалигини механизациялаш муҳандислари институти жамоаси

Институт Матбуот котиби